

SL-NA IBAINETA

I.I.D.E.: _____.

Urbiako lepoa – Ibainetako Zelaia – Telletxeko bizkarra - Urbia

Luzeera: 5,100 km

Desnibela: 125 mt

Zailtasuna: ERREZA

Kontraste haundiko ibilbidea: Airagarriko gainetik Lapurdiko kostaldea eta Orabideko bailara inguratzen duten mendiak agertuko zaikigu. Ibainetako zelaian, Atxuria mendiaren magalean, hainbat monumentu megalitikok (trikuharriak, tumuluak eta harrespilak) gizakiaren presentzia aurrehistoriatik frogatzen dute. Bukaeran, kalezada tartea konserbatzen dituen bide politan barna ibiliko gara.

IRTEERA > Urbiako lepoa, Zugarramurditik Etxalar eta Orabideko bide asfaltatuan, 3 p.k.-an; “Xareta” udalen elkarteko harrizko seinalea. Zabalgunea, aparkaleku modura; ez dago ostalaritza zerbitzurik, ezta babesgunerik ere.

OHARRAK

- Ia ibilbide osoan ez da ez bordarik ezta basoaren babesik; kontutan hartu eguzki bortitz edo euriarekin.
- Ez da komeni Ibainetako zelaia zeharkatzea; padura bat da eta maiz logia edo lokatza izaten da.
- Ibainetako erreka zeharkatzean (p.k. 3,765) harrizko zubia desagertu da, uholdeak erama. Harri ezegonkorak izaten ahal dira.
- Ibainetako lepotik Urbiako lepora PR-NA 90 Sorginen Bidea ibilbidearekin bat egiten du, bien seinalizazioak koinzidituz.

DESKRIBAPENA

0,000 km: URBIAKO GAINA (431 mt), zabala eta belartsua. Aparkaleku moduko zabalgunea eta bidegurutzeta: Zugarramurditik etorritan, ezkerretik (E.>), Loiarako pista (PR-NA 90); aurretik, errepidearen eskuinaldean (H.>), pista zabala (itzultzeko bidea eta PR-NA 90). Eskuinetik igo (M.>), Mendibil mendia inguratzen duen bidetik.

0,370 km: Bidearen bukaera eta ardi borda, harresiz inguratua. Ezkerreko harresiaren ondotik segi eta ezkerretik igo (H.M.>), bidexka eta ote haundien artean. Errekaxo baten iturburua eskuinean utzita, larretan barna igo norabidea mantenduz (H.>).

0,810 km: Airagarriko lepoa (569 mt), Baztan eta Zugarramurdiko mugan; belartsua eta harri haundiekin. Zutarri erdi etzana (*IKUS: 083 fitxa*). Eskuinetik igo (I.M.>), mendi bizkarretik

1,010 km: Tontorrera (596 mt) ailegatu baino lehen, ezkerreko bide belartsutik jeitsi (M.>), harearri eta konglomeratuen artean.

1,350 km: IBAINETAKO LEPOA (506 mt.), zabala eta belartsua. Trikuharri batek eta 16 harrespilak osaturiko gune megalitiko ikusgarria (*IKUS: 084 eta 085-100 fitxak*). Bidegurutzeta: eskuinetik (I.>), Zugarramurdira (PR-NA 90); ezkerretik (H.>), Ibainetako zelaia (padura).

Zuzen segi (H.M.>), bide garbi eta zelaian barna (Etxalarko bide zaharra), PR-NA 90 ibilbidearekin bat eginez eta eskuinean Atxuria-Peña Platako igoera utziz.

2,010 km: Bidegurutzea: zuzen (M.>), Etxalarrera; eskuinetik (I.>), Atxuriko igoera. Ezkerrera jo (H.>), Ibainetako zelaigunea inguratzen duen bizkarretik, iralekuan barnako bidexkatik. Ehun metro aurrerago, Sorohaundiko trikuharria (*IKUS: 101 fitxa*), eskuinetik, 30 mt-ara; bidexkara itzuli eta bizkarretik segi, pinu zahar haundien artean pasatuz.

2,250 km: Norabide aldaketa (E.>), mendi bizkarra mantenduz. Pinaditik atera eta bunker baten ondotik pasa. Malda behera apala.

2,475 km: Telletxeko bizkarreko guneko megalitikoak, 3 harrespilek eta 4 tumuluek osaturik (*IKUS: 103-109 fitxak*), iralekuak hartutako zelaian eta pinaditik gertu. Ia 200 mt aurrerago, harriztar haundi baten aurrean, mendi bizkarra utzi eta eskuineko jeitsi bidexkatik (H.E.>).

2,750 km: Lapitzeko borda (490 mt.), bidearen azpian. Haritz eta pago zaharrak; ezkerrera jo eta berriz bizkarrera igo, bidexka argitik. Ehun metro geroxeago, eta 25 mt ezkerrean, harrespila (*IKUS: 110 fitxa*). Bidera itzuli eta bizkarretik segi, harresi batetara ailegatu arte: Ibainetako zelaira jeisten den bide nagusia utzi eta eskuinetik segi, paretaren ondotik; honen bukaeran, bizkarreko norabidea mantendu eta bidexka batetik errekarara jeitsi, ote artean.

3,175 km: Ibainetako erreka. Haritza eta bidegurutzea: ezkerretik (M.>), Ibainetara. Eskuinera jo (H.>), erreka berriz zeharkatu eta hondatutako bidetik jeitsi, erreka zokoaren gainetik.

3,375 km: Palaziokoborda eta bide zabala, metro batzuek beherago ezkerrera jotzen duena.

3,610 km: Bidegurutzea, luberri baten ondoan. Eskuineko pista zabala utzi eta zuzen segi (E.>), kaltzada arrastoa duen bidexkatik (Obeneako errotako bide zaharra).

3,765 km: Ibainetako erreka (410 mt); harlauzezko zubiak zeharkatzen zuen, 2007ko uholdeek eramanez. Harri ezegonkorak, kontu haundiz ibili. Bideak haritz zaharretan barna segitzen du, Mendibil mendia hego magaletik inguratuz; Orabidea bailarako ikuspegi ederrak.

4,775 km: Borda berritua azpitik inguratu eta gero, pistak bide zaharra ordezkatzeko du.

5,100 km: URBIAKO GAINA (431 mt), zabala eta belartsua. Aparkaleku moduko zabalgunea. Ibilbidearen hasiera eta bukaera.